

গণপ্রজাতন্ত্রী বাংলাদেশ সরকার
তথ্য অধিদফতর
বাংলাদেশ সচিবালয়
ঢাকা

সংবাদ গতিধারা

জাতীয় দৈনিকসমূহে প্রকাশিত সংবাদ, সম্পাদকীয়’র সারসংক্ষেপ, গুরুত্বপূর্ণ নিবন্ধ ও ফিচারের সংক্ষিপ্তসার

সংখ্যা-৫৭/২০১৯-২০২০

ঢাকা, ১৮ সেপ্টেম্বর বুধবার ২০১৯, ৩ আশ্বিন ১৪২৬

আজকের দৈনিক পত্রিকাগুলো নিম্নলিখিত বিষয় প্রাধান্য দিয়ে খবর ছেপেছে

- ১। একনেকে ৮ হাজার ৯৬৮ কোটি টাকার ৮ প্রকল্প অনুমোদন বিভাগীয় শহরে হবে একশ’ শব্দ্যার পূর্ণাঙ্গ ক্যান্সারকেন্দ্র
- ২। বিমানের চতুর্থ ড্রিমলাইনার রাজহস্ত উদ্বোধন : সরকারি কর্মকর্তাদের বিমানে ভ্রমণের নির্দেশ প্রধানমন্ত্রীর আরচারিতে স্বর্ণজয়ী রোমান সানাকে মিষ্টিমুখ করালেন প্রধানমন্ত্রী
- ৩। ৩৭টি পদক পেয়েছেন প্রধানমন্ত্রী শেখ হাসিনা
- ৪। পররাষ্ট্রমন্ত্রীর সঙ্গে নিউজিল্যান্ডের অনাবাসী হাইকমিশনারের বিদায়ী সাক্ষাৎ :
- ৫। রোহিঙ্গাদের ফিরিয়ে নিতে সহযোগিতার আহ্বান
- ৬। রোহিঙ্গা ইস্যুতে জাপান বাংলাদেশের পাশে রয়েছে : জাপানের বিদায়ি রাষ্ট্রদূত
- ৭। অন্যায় করলে জাবি ভিসির বিরুদ্ধেও ব্যবস্থা : সেতুমন্ত্রী
- ৮। কারাবন্দিদের তথ্য ডাটাবেজে থাকবে : স্বরাষ্ট্রমন্ত্রী
- ৯। মেঘালয় রাজ্যের মুখ্যমন্ত্রী সঙ্গে তথ্যমন্ত্রীর বৈঠক : শিলংয়ে হবে বঙ্গবন্ধুর প্রতিকৃতি
- ১০। শাস্তিমূলক ব্যবস্থা নিলে খেলাপি খণ বাড়বে না : অর্থমন্ত্রী
- ১১। চলতি অর্থবছরের প্রথম দুমাসে এডিপি ব্যয় ৯,৬২৬ কোটি টাকা : পরিকল্পনামন্ত্রী
- ১২। বাংলাদেশ-চীনের দ্বিপক্ষীয় বাণিজ্য ১৮ বিলিয়ন ডলার হবে : শিল্পমন্ত্রী
- ১৩। উদ্বোধনের দিনই পদ্মাসেতুতে চলবে ট্রেন : রেলমন্ত্রী
- ১৪। অভিবাসন ব্যয় কমাতে সরকার কাজ করছে :
- ১৫। সৌদি আরবে দক্ষ মানবসম্পদ বিষয়ক এক সেমিনারে প্রবাসীকল্যাণ মন্ত্রী এডিআরে পরিবর্তন এনে বাংলাদেশ ব্যাংকের প্রজ্ঞাপন : খণ দেওয়ার সুযোগ বাড়ল ব্যাংকের

১। একনেকে ৮ হাজার ৯৬৮ কোটি টাকার ৮ প্রকল্প অনুমোদন

বিভাগীয় শহরে হবে একশ' শয্যার পূর্ণাঙ্গ ক্যাপ্সারকেন্দ্র :

দেশের প্রতিটি বিভাগীয় শহরের সরকারি মেডিকেল কলেজ হাসপাতালে ১০০ শয্যার পূর্ণাঙ্গ ক্যাপ্সার চিকিৎসাকেন্দ্র স্থাপন করা হবে। এ লক্ষ্যে ২৩৮৮ কোটি ৩৯ লাখ টাকা ব্যয়ের একটি প্রকল্প অনুমোদন দিয়েছে জাতীয় অর্থনৈতিক পরিষদের নির্বাহী কমিটি (একনেক)। প্রধানমন্ত্রী শেখ হাসিনার সভাপতিত্বে গতকাল (১৭ সেপ্টেম্বর মঙ্গলবার) শেরেবাংলানগরস্থ এনইসি সম্মেলনকক্ষে অনুষ্ঠিত বৈঠকে এর অনুমোদন দেওয়া হয়। একনেক সভায় ৮ হাজার ৯৬৮ কোটি ৮ লাখ টাকা ব্যয় সংবলিত মোট আটটি প্রকল্প অনুমোদন দেওয়া হয়েছে। এরমধ্যে তিনটি সংশোধিত। সভায় ২২৫ কোটি ৪৯ লাখ টাকা ব্যয়ে ভারতের ঝাড়খন হতে বাংলাদেশে ১৪৯৬ মেগাওয়াট বিদ্যুৎ আমদানি করার লক্ষ্যে চাঁপাইনবাবগঞ্জ জেলার রহনপুর থেকে মনকষা সীমান্ত পর্যন্ত ২৮ কিলোমিটার ৪০০ কেভি সপ্তগালন লাইন নির্মাণ প্রকল্প অনুমোদন দেওয়া হয়েছে। প্রধানমন্ত্রী সভায় উন্নয়ন প্রকল্পে কেনাকাটার সময় সতর্ক হতে বলেছেন এবং মান বজায় রেখে সড়কের কাজ করতে নির্দেশনা দিয়েছেন। সূত্র : ইন্ডেফাক (পৃ.১,ক.৭), সমকাল (পৃ.২,ক.৬), অবজারভার (পৃ.১৩,ক.১), ফিনানশিয়াল এক্সপ্রেস (পৃ.৮,ক.১)।

২। বিমানের চতুর্থ ড্রিমলাইনার রাজহংস উদ্ঘোধন :

সরকারি কর্মকর্তাদের বিমানে ভ্রমণের নির্দেশ প্রধানমন্ত্রীর

প্রধানমন্ত্রী শেখ হাসিনা আকাশপথে চলাচলের সময় যে রুটে বাংলাদেশ বিমানের ফ্লাইট আছে, সেসব ক্ষেত্রে সরকারি কর্মকর্তাদের বাংলাদেশ বিমানে ভ্রমণের নির্দেশ দিয়ে বলেছেন, এখন বিমানে উঠলে গর্বে বুক ভরে যায়। সরকারি অফিসাররা যে যেখানেই যান, বাংলাদেশ বিমানেই যেতে হবে। গতকাল (১৭ সেপ্টেম্বর মঙ্গলবার) বিমান বাংলাদেশ এয়ারলাইনের চতুর্থ ড্রিমলাইনার ‘রাজহংস’ উদ্ঘোধনকালে তিনি এসব কথা বলেন। হ্যারত শাহজালাল আন্তর্জাতিক বিমানবন্দরের ভিআইপি টার্মিনালে ফিতা কেটে রাজহংসের উদ্ঘোধন করেন প্রধানমন্ত্রী শেখ হাসিনা। উদ্ঘোধনের পর প্রধানমন্ত্রী উড়োজাহাজটিতে আরোহণ করেন এবং কক্ষিটসহ বিভিন্ন অংশ ঘুরে দেখেন। সূত্র : ইন্ডেফাক (পৃ.১৯,ক.৮), সমকাল (পৃ.১,ক.৫), অবজারভার (পৃ.১,ক.১), ডেইলি সান (পৃ.১,ক.১)।

৩। আরচারিতে স্বর্ণজয়ী রোমান সানাকে মিষ্টিমুখ করালেন প্রধানমন্ত্রী

এশিয়া কাপ ওয়ার্ল্ড র্যাঙ্কিং আরচারি টুর্নামেন্ট রিকার্ড পুরুষ (স্টেজ-৩) ব্যক্তিগত ইন্ডেন্টে স্বর্ণজয়ী রোমান সানাকে গতকাল (১৭ সেপ্টেম্বর মঙ্গলবার) প্রধানমন্ত্রী শেখ হাসিনা গণভবনে মিষ্টিমুখ করিয়ে অভিনন্দন জানান। এসময় প্রধানমন্ত্রী আরচারি ক্ষেত্রে স্বাক্ষর সব ধরনের সুযোগ-সুবিধা ও সহযোগিতার আশ্বাস দেন। সূত্র-সংবাদ (পৃ.৮,ক.৫), জনকর্ত (শেষ পৃ.ক.২), নিউ এজ (পৃ.৬,ক.৮)।

৪। ৩৭টি পদক পেয়েছেন প্রধানমন্ত্রী শেখ হাসিনা

ড. কামাল স্মৃতি ইন্টারন্যাশনাল এক্সিলেন্স অ্যাওয়ার্ড-২০১৯ অর্জনের মধ্য দিয়ে প্রধানমন্ত্রী শেখ হাসিনাকে প্রদত্ত আন্তর্জাতিক পদকের সংখ্যা ৩৭টিতে উন্নীত হলো। গত ১৬ সেপ্টেম্বর সোমবার ড. কামাল স্মৃতি ইন্টারন্যাশনাল অ্যাডভাইজরি কাউন্সিলের প্রধান উপদেষ্টা অ্যাস্বাসেডর টি পি শ্রীনিবাসন প্রধানমন্ত্রীর কার্যালয়ে এ পদক হস্তান্তর করেন। সূত্র-সংবাদ (পৃ.১,ক.১), যুগান্তর (শেষ পৃ.ক.১), এশিয়ান এজ (পৃ.১,ক.৫)।

৫। পররাষ্ট্রমন্ত্রীর সঙ্গে নিউজিল্যান্ডের অনাবাসী হাইকমিশনারের বিদায়ী সাক্ষাৎ :

রোহিঙ্গাদের ফিরিয়ে নিতে সহযোগিতার আহ্বান

বাংলাদেশে আশ্রয় নেয়া রোহিঙ্গা নগরিকদের ফিরিয়ে নিতে মিয়ানমারের প্রতি চাপ প্রয়োগ করার জন্য নিউজিল্যান্ডের প্রতি আহ্বান জানিয়েছেন পররাষ্ট্রমন্ত্রী ড. এ কে আব্দুল মোমেন। বাংলাদেশে নিযুক্ত নিউজিল্যান্ডের অনাবাসী হাইকমিশনার জোয়ানা মেরি কেম্পকারের সঙ্গে এক বৈঠকে তিনি এ আহ্বান জানান। গতকাল (১৭ সেপ্টেম্বর মঙ্গলবার) পররাষ্ট্র মন্ত্রণালয়ে পররাষ্ট্রমন্ত্রীর সঙ্গে জোয়ানা বিদায়ী সাক্ষাৎ হয়। সূত্র-জনকর্ত (পৃ.২,ক.৪), অবজারভার (পৃ.১২,ক.১), বাংলাদেশ টুডে (পৃ.১,ক.২)।

৬। **রোহিঙ্গা ইস্যুতে জাপান বাংলাদেশের পাশে রয়েছে : জাপানের বিদায়ি রাষ্ট্রদূত**

জাপানের বিদায়ি রাষ্ট্রদূত হিরো ইয়াসু ইজুমি ঢাকা ও টেকিওর সম্পর্ক যে কোনো সময়ের চেয়ে ঘনিষ্ঠ ও বিশেষ উচ্চতার বলে মন্তব্য করেছেন। তিনি বলেন, গত কয়েক বছরে দিপাক্ষিক সম্পর্ক অনেক দূরে এগিয়েছে ও বিশেষ তাৎপর্য পেয়েছে। জাপানের অর্থায়নে বড় বড় অবকাঠামো প্রকল্পের কাজ এগিয়ে চলছে। অনেক জাপানি কোম্পানি বাংলাদেশে বিনিয়োগ করছে। জাপানি রাষ্ট্রদূত গতকাল (১৭ সেপ্টেম্বর মঙ্গলবার) তাঁর বারিধারার বাসভবনে বিদায়ি সংবর্ধনায় এসব কথা বলেন। জাপানি রাষ্ট্রদূত আরো বলেন, রোহিঙ্গা ইস্যুতে জাপান বাংলাদেশের পাশে রয়েছে। সূত্র : ইতেফাক (পৃ.১৯,ক.১)।

৭। **অন্যায় করলে জাবি ভিসির বিরুদ্ধেও ব্যবস্থা : সেতুমন্ত্রী**

সড়ক পরিবহণ ও সেতুমন্ত্রী ওবায়দুল কাদের বলেছেন, জাহাঙ্গীরনগর বিশ্ববিদ্যালয়ের উপাচার্য অধ্যাপক ফারজানা ইসলামের বিরুদ্ধে উন্নয়ন প্রকল্পে অনিয়মের যে অভিযোগ উঠেছে, প্রমাণ পেলে তার বিরুদ্ধেও ব্যবস্থা নেওয়া হবে। গতকাল (১৭ সেপ্টেম্বর মঙ্গলবার) সচিবালয়ে আয়োজিত সাংবাদিকসম্মেলনে তিনি এসব কথা বলেন। মন্ত্রী আরো বলেন, নেতৃত্ব স্থানের অভিযোগ যদি তদন্ত করে প্রমাণ হয়, তাহলে ভিসিও ছাড় পাবেন না। সূত্র : ইতেফাক (শেষ পৃ.ক.১), সমকাল (শেষ পৃ.,ক.৫), অবজারভার (পৃ.১,ক.৮), বাংলাদেশ টুডে (শেষ পৃ.,ক.৮)।

৮। **কারাবন্দিদের তথ্য ডাটাবেজে থাকবে : স্বরাষ্ট্রমন্ত্রী**

কারাবন্দিদের তথ্য ব্যবস্থাপনায় একটি ডাটাবেজ সফটওয়্যার উদ্বোধন করা হয়েছে, যেখানে সব কারাবন্দিদের তথ্য সংরক্ষিত থাকবে। প্রাথমিকভাবে পাইলট প্রকল্প হিসেবে কাশিমপুর কেন্দ্রীয় কারাগার-২ ও গাজীপুর জেলা কারাগারে ব্যবহৃত হলেও পর্যায়ক্রমে দেশের সব কারাগারেই এ সফটওয়্যারটি ব্যবহার করা হবে। গতকাল (১৭ সেপ্টেম্বর মঙ্গলবার) রাজধানীর একটি হোটেলে কারাবন্দি ব্যবস্থাপনা বিষয়ক একটি পাইলট ডাটাবেজের উদ্বোধন অনুষ্ঠানে এসব কথা জানান স্বরাষ্ট্রমন্ত্রী আসাদুজ্জামান খাঁ কামাল। স্বরাষ্ট্রমন্ত্রী বলেন, বন্দিদের আঙুলের ছাপ ও চোখের কর্ণিয়ার ছবি সংরক্ষণ করা থাকাতে এ ডাটাবেজের মাধ্যমে কারাগারে ভুল ব্যক্তির অবস্থান সহজে শনাক্ত করা যাবে। ফলে জালিয়াতির মাধ্যমে কারাগার থেকে মুক্ত হওয়ায় মতো ঘটনা রোধ করা সম্ভব হবে। সূত্র : ইতেফাক (পৃ.১৯,ক.১), যুগান্তর (পৃ.১৪,ক.৪), নিউ এজ (পৃ.১,ক.২)।

৯। **মেঘালয় রাজ্যের মুখ্যমন্ত্রী সঙ্গে তথ্যমন্ত্রীর বৈঠক : শিলংয়ে হবে বঙ্গবন্ধুর প্রতিকৃতি**

বঙ্গবন্ধু শেখ মুজিবুর রহমানের জন্মশতবর্ষিকী উপলক্ষে ভারতের মেঘালয় রাজ্যের রাজধানী শিলংয়ে বঙ্গবন্ধুর প্রতিকৃতি স্থাপন করা হবে বলে জানিয়েছেন রাজ্যটির মুখ্যমন্ত্রী কনরাত সাংঘ। গতকাল (১৭ সেপ্টেম্বর মঙ্গলবার) ভারত সফরের তথ্যমন্ত্রী ড. হাছান মাহমুদের সঙ্গে বৈঠকে তিনি এ কথা বলেন। এ সময় আগামী বছরের মার্চে বঙ্গবন্ধুর জন্মশতবর্ষ উদযাপনের রাষ্ট্রীয় অনুষ্ঠানে অংশ নিতে মেঘালয়ের মুখ্যমন্ত্রীকে বাংলাদেশে আমন্ত্রণ জানান তথ্যমন্ত্রী। মুক্তিযুদ্ধের সময় আন্তরিক সহযোগিতার জন্য মেঘালয়ের প্রতি অকৃত ধন্যবাদ জানান তিনি। বৈঠকে তামাবিল-ডাউকি সীমান্ত দিয়ে বাস যোগাযোগ, সমন্বিত চেকপোস্ট, সীমান্ত পারাপার, পণ্য পরিবহণ ও সীমান্ত হাট ব্যবস্থাপনা সহজীকরণে দ্রুত অগ্রগতির ওপর জোর দেন। শুভেচ্ছা স্মারক বিনিয়োকালে তথ্যমন্ত্রী কনরাত সাংঘকে বঙ্গবন্ধুর লেখা কারাগারের রোজনামচার ইংরেজি সংক্রনণ, নৌকা স্মারক, নকশিকাঁথা ও জামদানি উপহার দেন। সূত্র-সমকাল (পৃ.১৫,ক.১), সংবাদ (পৃ.২,ক.৬)।

১০। **শাস্তিমূলক ব্যবস্থা নিলে খেলাপি ঝণ বাড়বে না : অর্থমন্ত্রী**

অর্থমন্ত্রী আ হ ম মুস্তফা কামাল বলেছেন, যারা খেলাপি ঝণের সঙ্গে জড়িত তাদেরকে শাস্তির আওতায় আনা হবে। প্রয়োজনে আইন সংস্কার করা হবে। খেলাপি ঝণ থেকে মুক্তি পেতে আমরা আইনি প্রক্রিয়ার কিছু পরিবর্তন নিয়ে আসব। ঝণ এইস্তা কোম্পানির পরিচালক, চেয়ারম্যান সবাই পারসোনাল গ্যারান্টি দেবেন। এ সমস্ত গ্যারান্টি আইনি প্রক্রিয়া শক্তিশালী করা হবে। কেউ যদি ঝণ পরিশোধে ব্যর্থ হন, সেক্ষেত্রে তাদের বিরুদ্ধে আমরা ব্যবস্থা নিতে পারব। এগুলো করতে পারলে খেলাপি ঝণ বাড়বে না। মূলত আইনি প্রক্রিয়ার দুর্বলতার কারণেই খেলাপি ঝণ বেড়েছিল। এখন খেলাপি ঝণ বাড়ার কোনো সুযোগ থাকবে না। কাস্টমার দায়ী থাকলে তার বিরুদ্ধে ব্যবস্থা, একইভাবে ব্যাংকের কেউ জড়িত থাকলে তার বিরুদ্ধে ব্যবস্থা নেওয়া হবে। শাস্তিমূলক ব্যবস্থা নিলে খেলাপি ঝণ বাড়বে না। গতকাল (১৭ সেপ্টেম্বর মঙ্গলবার) শেরেবাংলানগরস্থ এনইসি মিলনায়তনে রাষ্ট্রীয় মালিকানাধীন বাণিজ্যিক ও বিশেষায়িত ব্যাংকগুলোর চেয়ারম্যান এবং ব্যবস্থাপনা পরিচালকদের সঙ্গে আলোচনাসভা শেষে সাংবাদিকদের উদ্দেশে অর্থমন্ত্রী এসব কথা বলেন। সূত্র : ইতেফাক (শেষ পৃ.ক.১), সমকাল (পৃ.২,ক.৬), অবজারভার (পৃ.১৩,ক.১), ফিনানশিয়াল এক্সপ্রেস (পৃ.৮,ক.১)।

১১। চলতি অর্থবছরের প্রথম দুমাসে এডিপি ব্যয় ৯,৬২৬ কোটি টাকা : পরিকল্পনামন্ত্রী

চলতি অর্থবছরের প্রথম দুমাসে বার্ষিক উন্নয়ন কর্মসূচি (এডিপি) বাস্তবায়নের হার বেড়েছে। জুলাই ও আগস্ট মাসে ব্যয় হয়েছে মোট বরাদ্দের ৪ দশমিক ৪৮ শতাংশ। গত অর্থবছরের একই সময়ে এ হার ছিল ৩ দশমিক ৪৯ শতাংশ। গতকাল (১৭ সেপ্টেম্বর মঙ্গলবার) রাজধানীর শেরেবাংলানগরে এনইসি সম্মেলনকক্ষে জাতীয় অর্থনৈতিক পরিষদের নির্বাহী কমিটির (একনেক) সভাশেষে ব্রিফিংয়ে সাংবাদিকদের এডিপির সর্বশেষ হালনাগাদ বাস্তবায়নের চিত্র তুলে ধরেন পরিকল্পনামন্ত্রী এম এ মানান। পরিকল্পনামন্ত্রী বলেন, গত দু'মাসে এডিপির বিভিন্ন প্রকল্প বাস্তবায়নে অর্থ ব্যয় হয়েছে ৯ হাজার ৬২৬ কোটি টাকা। গত বছরের একই সময়ে ব্যয় হয়েছিল ছয় হাজার ৩১৮ কোটি টাকা। সূত্র-সমকাল (পৃ.১২,ক.৫), অবজারভার (শেষ পৃ.ক.১)।

১২। বাংলাদেশ-চীনের দ্বিপক্ষীয় বাণিজ্য ১৮ বিলিয়ন ডলার হবে : শিল্পমন্ত্রী

বাংলাদেশ ও চীনের মধ্যে সঙ্গাব্য সবক্ষেত্রে চমৎকার দ্বিপক্ষিক সম্পর্ক বজায় রয়েছে বলে জানিয়েছেন শিল্পমন্ত্রী নূরুল মজিদ মাহমুদ হুমায়ুন। তিনি বলেছেন, সম্প্রতি দু'দেশের মধ্যে সর্বোচ্চ পর্যায়ে সফর বিনিয়োগের ফলে সম্পর্ক নতুন উচ্চতায় পৌঁছেছে। বর্তমানে দ্বিপক্ষিক বাণিজ্য ও বিনিয়োগ সম্পর্ক অতীতের যেকোনো সময়ের তুলনায় অধিক শক্তিশালী। ২০১৭-১৮ অর্থবছরে বাংলাদেশ-চীন দ্বিপক্ষিক বাণিজ্যের পরিমাণ ছিল ১২ দশমিক ৪ বিলিয়ন মার্কিন ডলার। ২০২১ সাল নাগাদ এটি ১৮ বিলিয়ন মার্কিন ডলারে উন্নীত হবে বলে আমরা আশা করছি। গত ১৬ সেপ্টেম্বর সোমবার রাজধানীর ওয়েস্টিন হোটেলে বাংলাদেশ চায়না চেম্বার অভ্ কমার্স অ্যাভ ইভাস্ট্রির (বিসিসিসিআই) নবনির্বাচিত কার্যনির্বাহী কমিটির অভিযোগে উপলক্ষে আয়োজিত আলোচনাসভায় প্রধান অতিথির বক্তব্যে মন্ত্রী এসব কথা বলেন। সূত্র-সংবাদ (পৃ.১৪,ক.১), অবজারভার (পৃ.১,ক.২)।

১৩। উদ্বোধনের দিনই পদ্ধাসেতুতে চলবে ট্রেন : রেলমন্ত্রী

রেলপথমন্ত্রী নূরুল ইসলাম সুজন জানিয়েছেন বহুল কাঙ্ক্ষিত স্বপ্নের পদ্ধাসেতুর উদ্বোধনের দিনই এর ওপর দিয়ে চলবে ট্রেন। এ লক্ষ্যে পুরোদমে রেললাইনের কাজ চলছে। গতকাল (১৭ সেপ্টেম্বর মঙ্গলবার) রাজধানীর রেলভবন মিলনায়তনে সদ্য ভারত ও চীন সফর নিয়ে আয়োজিত সংবাদসম্মেলনে তিনি এসব কথা বলেন। মন্ত্রী বলেন, আমরা রেলকে আধুনিক ও যুগোপযোগী করতে কাজ করে যাচ্ছি। চীনের সহযোগিতায় ও ভারতের অর্থায়নে আমাদের অনেক প্রকল্প চালু আছে। সিঙ্গেল লাইনগুলোকে ডাবল লাইনে আনার কাজ চলছে। নতুন নতুন রুটে রেল চলাচলের কাজ শুরু হয়েছে। সূত্র : ইন্ডিফাক (পৃ.২,ক.১), সংবাদ (শেষ পৃ.,ক.৬), ডেইলি সান (পৃ.৩,ক.১)।

১৪। অভিবাসন ব্যয় করাতে সরকার কাজ করছে :

সৌদি আরবে দক্ষ মানবসম্পদ বিষয়ক এক সেমিনারে প্রবাসীকল্যাণমন্ত্রী

প্রবাসী কল্যাণ ও বৈদেশিক কর্মসংস্থানমন্ত্রী ইমরান আহমেদ বলেছেন, প্রশিক্ষণ ছাড়া বিদেশে গিয়ে কর্মীরা নানা সমস্যার সম্মুখীন হচ্ছে। তাই দক্ষ কর্মী পাঠানোর ওপর গুরুত্ব দিচ্ছে সরকার। একইসঙ্গে অভিবাসন ব্যয় কীভাবে আরো কমানো যায় সে লক্ষ্যেও সরকার কাজ করে চলেছে। গত ১৬ সেপ্টেম্বর সোমবার সৌদি আবুরের রিয়াদে দক্ষ মানবসম্পদ বিষয়ক এক সেমিনারে প্রধান অতিথির বক্তৃতায় এসব কথা বলেন। মন্ত্রী বলেন, সৌদি আরবের সাথে বাংলাদেশের দীর্ঘদিনের বন্ধুত্বপূর্ণ সম্পর্ক রয়েছে। আগামী দিনে ঘনিষ্ঠ সহযোগিতার মাধ্যমে এ সম্পর্ক আরো দৃঢ় করতে চায় বাংলাদেশ। সৌদি নিয়োগকারী প্রতিষ্ঠানগুলোকে তাদের চাহিদা জানানো জন্য আহ্বান জানিয়ে তিনি বলেন, এতে করে বাংলাদেশ থেকে প্রয়োজনীয় প্রশিক্ষণ দিয়ে কর্মী পাঠানো সম্ভব হয়। ইতোমধ্যে দক্ষ জনশক্তি প্রেরণের জন্য বাংলাদেশে আধুনিক ও উন্নতমানের প্রশিক্ষণ কেন্দ্র গড়ে তোলা হয়েছে। সূত্র : ইন্ডিফাক (পৃ.১৯,ক.২)।

১৫। এডিআরে পরিবর্তন এনে বাংলাদেশ ব্যাংকের প্রজ্ঞাপন : খণ্ড দেওয়ার সুযোগ বাড়ল ব্যাংকের

বাড়ানো হলো ব্যাংকের খণ্ড-আমানত অনুপাত (এডিআর)। এখন থেকে প্রচলিত ধারার ব্যাংকগুলো ১০০ টাকা আমানতের বিপরীতে ৮৫ টাকা এবং ইসলামি ব্যাংকিং কার্যক্রমের জন্য সর্বোচ্চ ৯০ টাকা খণ্ড দিতে পারবে। গতকাল (১৭ সেপ্টেম্বর মঙ্গলবার) কেন্দ্রীয় ব্যাংকের অভ্ অফ-সাইট সুপারভিশন থেকে প্রকাশিত এক প্রজ্ঞাপনের মাধ্যমে এ নির্দেশনা জারি করা হয়। সূত্র : ইন্ডিফাক (পৃ.১৮,ক.১), সমকাল (পৃ.১২,ক.১), ফিনানশিয়াল এক্সপ্রেস (পৃ.৮,ক.৪)।

সম্পাদকীয়

- ক. **ইন্ডেফাক** : নাব্যসংকটে চট্টগ্রাম-ঢাকা নৌপথ ঝুঁকিপূর্ণ হয়ে উঠেছে উল্লেখ করে এব্যাপারে কার্যকর পদক্ষেপ নেওয়ার সুপারিশ।
- খ. **যুগান্ত** : ভূমি সংক্রান্ত যেকোনো অভিযোগ জানতে হটলাইন চালুর উদ্যোগ নিয়েছে ভূমি মন্ত্রণালয় উল্লেখ করে তা যথাযথভাবে বাস্তবায়ন করা হলে এ থেকে ভুক্তভোগীরা উপকৃত হবেন বলে প্রত্যাশা ব্যক্ত।
- গ. **সংবাদ** : দেশের ৬৮টি কারাগারে মাত্র ৯ জন চিকিৎসক আছেন উল্লেখ করে এ শূন্য পদগুলোতে দ্রুত নিয়োগ দেওয়ার সুপারিশ।
- ঘ. **সমকাল** : খণ্ডের সুদহার সিঙ্গেল ডিজিটে নামিয়ে আনার ব্যাপারে সরকারের দিক থেকে নির্দেশনা ও ব্যাংকগুলোর প্রতিশ্রুতির পরও তা যথাযথভাবে বাস্তবায়ন হচ্ছে না উল্লেখ করে দ্রুত তা বাস্তবায়নের ওপর গুরুত্বারোপ।
- ঙ. **বণিক বার্তা** : সম্প্রতি বিপুল অর্থ ব্যয় করে ভারত থেকে ৬০০ বাস কিনেছে বিআরআরটিসি উল্লেখ করে এর মধ্যে ৪৫০টি সংস্থাটির বহরে যুক্ত হওয়া বাসগুলোর উল্লেখযোগ্য সংখ্যক বাসই ত্রুটিপূর্ণ বলে অভিযোগ পাওয়া যাওয়ায় এ ব্যাপারে দ্রুত কার্যকর পদক্ষেপ নেওয়ার সুপারিশ।
- চ. **নিউ এজ** : প্রবাসী শ্রমিকদের বিভিন্ন সমস্যা সমাধানে কূটনৈতিক প্রচেষ্টা জোরদার করার ওপর গুরুত্বারোপ।

উপসম্পাদকীয়

তোরের কাগজ পত্রিকায় প্রকাশিত কলামে উল্লেখ করা হয়েছে, নিরাপদ সড়ক যাত্রা, ফুটপাতে নিরাপদে হাঁটা নিশ্চিত করতে সুব্যবস্থা করতে হবে।

নিবন্ধ ও ফিচার

সংবাদ পত্রিকায় প্রকাশিত ‘আলো ও শব্দদূষণ : নিয়ন্ত্রণ করা জরুরি’ শিরোনামের নিবন্ধে বলা হয়েছে, সচেতনতাই কেবল পারে আমাদের দেশে শব্দদূষণ ও আলোর দূষণ কমাতে।

#

ডালিয়া/রিদওয়ান/সাঈদা/রশীদ/মাসুম/২০১৯/৯.০০ঘন্টা